



Inatsisartunut ilaasortaq Mette Arge-Hammeken
Inatsisartut@inatsisartut.gl

Nerlerit Inaata timmisartuussivigineqarneranut kiffartuunneqarnissamut isumaqatigiissut pillugu § 37 naapertorlugu apeqquteqaammut 2026-018-imut akissut.

Ulloq: 10-03-2026
Sulap nr.: 2026 - 3524
ID. nr.: 80293878

Asasara Mette Arge-Hammeken

Postboks 909
3900 Nuuk

Tlf.: (+299) 34 50 00
E-mail: box909@nanoq.gl
www.naalakkersuisut.gl

Nerlerit Inaata timmisartuussivigineqarneranut kiffartuunneqarnissamut isumaqatigiissut pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutit matuma kinguliani ataasiakkaarlugit issuarneqarput, akissut kingornanniilluni.

Apeqqut 1. Silaannakkut angallannermi kiffartuussinissamut isumaqatigiissut aalajangersimasoo pillugu tassalu Nerlerit inaanniit Islandimut aamma Islandimiit Nerlerit inaannut isumaqatigiissut tamaat qanoq imaqarneranik Naalakkersuisut ilisimatitsisinnaappat?

Akissut: Naalakkersuisut Norlandair-imut kiffartuunneqarnissamut isumaqatigiissutaat Nerlerit Inaata aamma Islandip akornanni timmisartumik aalajangersimasumik attaveqarnerup isumagineqarnissaanut tunngassuteqarpoq. Isumaqatigiissummi angallavimmi ingerlatsinermut killissat aalajangersarneqarput, ilanngullugit akilikissusissaa, inissaqartitsineq, piffissamik eqquisarneq aamma ilaasut, allakkat nassiussallu pingaarnersiorneqarnerat.

Aammattaaq kiffartuunneqarnissamut isumaqatigiissut angallassisup pisussaaffii pillugit aalajangersakkanik imaqarpoq, ilanngullugit isumannaallisaaneq, nalunaarusiortarnissaq akinillu iluarsiisarneq, kiisalu pisortanit tapiissutit, sullissinerup qulakkeernissaanut tapiissutigineqartartut, pillugit aalajangersakkat.

Kiffartuunneqarnissamut isumaqatigiissut tamanit pissarsiarineqarsinnaalluni tamanut ammasuuvoq aammalu nittartakkami uaniilluni www.kanat.gl, Kalaallit Nunaata Attaveqaasersuutaannut tunngasumi.

Apeqqut 2. Silaannakkut angallannermi kiffartuussinissamut isumaqatigiissut aalajangersimasoo pillugu, tassalu Nerlerit inaanniit Islandimut aamma Islandimiit Nerlerit inaannut billetsit akiisa nalinginik Naalakkersuisut allannguikuuppat?

Akissut: Kiffartuunneqarnissamut isumaqatigiissut naapertorlugu ikummatissanut akigititat allanngornerisa kiisalu Greenland Airports-ip aamma Islandimi Mittarfeqarfiit akigititaminnik allanngortitsinerisa malitsigisaanik angallassisup billetsinut akigititat iluarsinissaannut pisinnaatitaavoq. Angallassisup billetsinut, allakkanut nassiussanullu akigititat iluarsineqarnerat pillugu Namminersorlutik Oqartussat ilisimatittartussaavai.

Apeqquut 3. Silaannakkut angallannermi kiffartuussinissamut isumaqatigiissut aalajangersimasooq pillugu, tassalu Nerlerit inaanniit Islandimut aamma Islandimiit Nerlerit inaannut, bilitsimi siumut aamma utimut akigititaasut tamaasa 2026-mi atuuttut aammalu siunissami atuuttussat akitigut qanoq inissisimanerat pillugu Naalakkersuisut ilisimatitsisinnaappat?

Akissut: Nerlerit Inaata aamma Islandip akornanni angallavimmi akinik aalajangersaaneq kiffartuunneqarnissamut isumaqatigiissummut killissat iluanni angallassisumit aalajangersarneqartussaavoq. Inissat naapertuuttumik atorluarneqarnissaasa qulakkeernissaa siunertaralugu, allanngorartumik akinik aalajangersaanerup atornissaanut angallassisoq periarfissaqarpoq.

Angallassisup ilaasunut, allakkanut nassiussanullu akigititat aningaasartuutit attuumassutillit ineriartornerannut naapertuuttumik iluarsisinnaavai, ilanngullugit akit akitsuutillu Greenland Airports-imit kiisalu islandimi mittarfinnut oqartussanit aalajangersarneqartut, taamatullu ikummatissamut akigititat allannguutaat akinik iluarsiinermut tunngavissani ilanngunneqarsinnaallutik. Iluarsiisoqassappat, tamanna isumaqatigiissummi aalajangersakkanut naapertuuttumik Namminersorlutik Oqartussanut nalunaarutigineqartussaavoq.

Norlandair paasissutissiivoq, Nerlerit Inaata aamma Akureyri-p akornanni siumut utimullu angalanermut akit, piffissaq inniminniiffiusoq pissarsiarineqarsinnaanerilu apeqqutaallutik, 4.517 kr. aamma 5.587 kr. akornanni inissisimasut. Nerlerit Inaata aamma Reykjavik-ip akornanni siumut utimullu angalanermut akigititat 6.003 kr. aamma 7.415 kr. akornanni inissisimasut paasissutissiissutigineqarpoq. Siunissami akit annertussusissaannut tunngatillugu, taakkununga aningaasartuutitut tunngasut taaneqartut ineriartornerat kiisalu angallavimmi nalinginnaasumik ujartuineq, apeqqutaasussaapput.

Apeqquut 4: Silaannakkut angallannermi kiffartuussinissamut isumaqatigiissut aalajangersimasooq pillugu, tassalu Nerlerit inaanniit Islandimut aamma Islandimiit Nerlerit inaannut timmisartumi inissat qanoq inissisimappat – uani eqqarsaatigineqarpoq inissat nunatsinni najugaqartunut salliunneqassappat imaluunniit takornarissallu naligiimmik inissisimassappat?

Akissut: Kiffartuunneqarnissamut isumaqatigiissummi angallavimmi ingerlatsinissamut killissaliussat aalajangersarneqarput, ilanngullugit inissat tamarmiusut akulikissusissaalu, kisianni ilaasut aalajangersimasut salliussaatitaanissaat pillugu aalajangersakkanik imaqarani.

Taamaalilluni billetsinik tuniniaaneq ilaasunut tamanut, innuttaasut aalajangersimasumik najugallit imaluunniit takornariat pineqarnerisut apeqqutaatinnagu, atugassarititaasut assigiit tunngavigalugit pisarpoq. Kiffartuunneqarnissamut isumaqatigiissummi atuuttumi nunatsinni najugalinnut inniminniinissamut imaluunniit salliutitsinissamut tunngavissaqanngilaq.

Apeqquut 5. Silaannakkut angallannermi kiffartuussinissamut isumaqatigiissut aalajangersimasooq pillugu tassalu Nerlerit inaanniit Islandimut aamma Islandimiit Nerlerit inaannut poortukkat assartoqarneqartarnerat isumaqatigiissummi qanoq inissisimanera pillugu Naalakkersuisut qanoq ilisimatitsisinnaappat?

Akissut: Kiffartuunneqarnissamut isumaqatigiissummi ilaasunik angallassineq kisimi ilaatinneqanngilaq, kisianni aamma Nerlerit Inaata aamma Islandip akornanni allakkanik nassiussanillu assartuussineq ilaatinneqarluni.

Angallassisup inissat atorneqarsinnaasut iluanni allakkanik nassiussanillu nassartarnissaq, isumaqatigiissummi aalajangersarneqarpoq, tassani ilaasut aallaaviatigut salliutinneqartussaallutik, tamatuma kingorna allakkat, tamatumalu kingorna nassiussat nassarneqartussaallutik. Lastimi inissat ataasiakkaatigut atugassiissutigineqartarnerat timmisartuutileqatigiiffimmit angallassinermi pisarpoq.

Nassiussanik assartuussineq aningaasaqarnikkut ingerlatsinikkullu killissat, kiffartuunneqarnissamut isumaqatigiissummi aalajangersarneqartut, iluanni pisarpoq, aammalu akigititat isumaqatigiissummi aalajangersakkanut naapertuuttumik iluarsineqartarlutik.

Apeqquut 6. Silaannakkut angallannermi kiffartuussinissamut isumaqatigiissut aalajangersimasooq pillugu, tassalu Nerlerit inaanniit Islandimut aamma Islandimiit Nerlerit inaannut Naalakkersuisuniit allatut iliuuseqalikkersaartoqarpa pitsaanermki angalanissaq qulakkeerniarlugu? Aamma ilanngullugu Nerlerit inaanniit nunatta iluani angalaniarneq eqaallisarniarlugu isumaqatigiissut aaqqiissuteqassagaanni soorlu Nerlerit inaanniit Nuummur aamma Kulusumut angalaniaraanni qanoq allannguteneq aaqqiineq akeqassava?

Akissut: Kiffartuunneqarnissamut isumaqatigiissut atuuttoq pisussaaffiliivoq, taamaattumik maannakkorpiat piffissami isumaqatigiissuteqarfiusumi angallannermi suliaassamut 11-mut isumaqatigiissutip ammaateqqinnissaa pilersaarutigineqanngilaq.

Angallannikkut sullissinerup siunissami aaqqiissuunneqarnissaa pillugu isumaliutersuuteqarluni Naalakkersuisut aallartereerput, ilanngullugit piffissap isumaqatigiissuteqarfissap tullianut killissaliussassat. Tassunga atatillugu pitsanngorsaasinnaaneri pitsaanerulersitsisinnaaneriillu nalilersorneqassapput.

Aammattaaq oqaatigineqassaaq Naalakkersuisut aamma Danmarkimi naalakkersuisut akornanni sinaakkutissatut isumaqatigiissut naapertorlugu Ittoqqortoormiini nunap immikkoortuani nutaamik mittarfiliornissaq sulissutigineqarmat. Suliniutip ingerlaqqinnerani piviusunngortitsineq, sumiiffimmi silaannakkut angallannerup siunissami aaqqiissuunneqarneranut pingaaruteqarsinnaasussaavoq aammalu siunissami angallannikkut sullissineq pillugu isumaliutersuutini tamarmiusuni ilaatinneqassalluni.

Apeqquut 7. Isumaqatigiissut Nerlerit inaanniit Reykjavikkimut uterlugulu aamma atuuppa?

Naamiuppat sooruna taanna isumaqatigiissummi ilaanngitinneqanngittoq?

Aamma sooruna Nerlerit inaanniit Reykjavikkimut uterlugulu bilitsit akii allanngortartut?

Bilitsi akitigut qanoq inissisimagam?

Akissut: Angallannermut suliassaq 11 pillugu kiffartuunneqarnissamut isumaqatigiissut aallaaviatigut Nerlerit Inaata aamma Akureyri akornanni angallavimmut tunngassuteqarpoq. Taamaattoq Nerlerit Inaata aamma Reykjavik-ip akornanni ukiumut aallartartussat amerlassusissai erseqqinnerusumik aalajangersarneqassasut, qinigassatut isumaqatigiissummi ilaatinneqanngilaq. Qinigassaq taanna 2026-mut atornerarpoq, taamaattumik ukioq manna Nerlerit Inaata aamma Reykjavik-ip akornanni sapaatip akunneranut ataasiarluni angalasarnissaq ingerlanneqarpoq.

Billetsit akiinut tunngatillugu, taakkua kiffartuunneqarnissamut isumaqatigiissummut killissaliussat iluanni angallassisartumit aalajangersarneqartarput aammalu ujaruineq, piffissaq inniminniiffiusoq inissallu atorluarneqarnerat apeqquutaallutik allanngorarsinnaallutik. Angallaviit Nerlerit Inaat-Akureyri aamma Nerlerit Inaat-Reykjavik akornanni akigitat assigiinnginnerannut ilaatigut pissutaapput piffissap timmiffiusup, ingerlatsinermut aningaasartuutit aammalu mittarfinni pineqartuni akitsuutit assigiinngitsuunerat.

2026-mut akit annertussusai atuuttut apeqquummut 3-mut akissuteqaammi allassimapput.

Neriutigaara matuma siulianiittuni apeqquutit akineqarsimassasut.

Inussiarnersumik inuulluaqqusillunga

Aqqaluq B. Egede